

Arolygiaeth Gofal Iechyd Cymru

'Mesurau Arbennig' AGIC Parthed yr Adolygiad Arbennig o Wasanaethau Mamolaeth Ymddiriedolaeth GIG Gofal Iechyd Gwent

Cyfarfod Misol, 10 Rhagfyr 2008
Yn Llanfrechfa Grange am 3.30pm

COFNODION Y CYFARFOD

Yn bresennol: Peter Higson (Cadeirydd), Marion Andrew-Evans, Andrew Cottom, Carol Shillabeer, Patrick Coyle, Francis Jones, Anjou Kumar, Lisa Howells a Mike Frost.

Ymddiheuriadau

Cafwyd ymddiheuriadau gan Grant Robinson, Brian Willott a Jean Keats.

Cofnodion y cyfarfod diwethaf

Cymeradwywyd cofnodion y cyfarfod diwethaf.

Materion yn Codi

Roedd Arolygiaeth Gofal Iechyd Cymru wedi ysgrifennu at yr Ymddiriedolaeth i nodi'r hyn y byddai disgwyl i'r Ymddiriedolaeth ei gyflawni cyn diddymu'r mesurau arbennig. Mae'r llythyr wedi bod o fudd i'r Ymddiriedolaeth, ac yn y dyfodol bydd yn cael ei ddefnyddio mewn cyfarfodydd i wella monitro.

Mae copi wedi'i atodi o'r llythyr at yr Ymddiriedolaeth.

Cynnydd o ran cyflawni Cynllun Gweithredu'r Ymddiriedolaeth

1. Yn y cyfarfod misol â'r Ymddiriedolaeth ar 10 Rhagfyr 2008 nodwyd y canlynol:

CAMAU GWEITHREDU A GYFLAWNWYD:	
Cam Gweithredu 3:	Obstetrydd ymgynghorol â chyfrifoldebau cyfarwyddwr clinigol wedi'i benodi.
Cam Gweithredu 7:	Fframwaith ar gyfer gwella'r ffordd yr adroddir i'r Bwrdd wedi'i gymeradwyo a'i ledaenu.

CYNNYDD SYLWEDDOL A NODWYD:	
Cam Gweithredu 4:	Mwy o ymchwil wedi'i sicrhau er mwyn cael presenoldeb ymgynghorydd yn Ysbyty Nevill Hall. Adolygiad a dadansoddiad manwl wedi'i gyflawni o gynlluniau swydd.
Cam Gweithredu 5:	Rhaglen hyfforddi ALERT a rhaglen amlddisgyblaethol i fod i gychwyn yn gynnar yn 2009. Yr obstetrydd arweiniol a'r fydwraig arweiniol i fod yn gydgyfrifol am archwiliad 2009.
Cam Gweithredu 8:	20 o fydwragedd wedi'u recriwtio. 11 o staff cymorth hefyd wedi'u recriwtio.
Cam Gweithredu 10:	Wedi gorffen recriwtio cydgysylltwyr ychwanegol ar gyfer wardiau esgor.

Sylwadau AGIC ar y Cyflawni Hyd Yma

2. Mae'r Ymddiriedolaeth yn parhau i wneud cynnydd, ac mae'r broses gyflawni wedi cyflymu mewn rhai meysydd.

Unrhyw Fater Arall

Trafodwyd Cyhoeddi'r Adroddiad. Cytunwyd y gallai'r Ymddiriedolaeth rannu'r drafft ag obstetryddion a staff bydwreigiaeth uwch, ac y gallai roi unrhyw sylwadau i AGIC cyn pen yr wythnos ddilynol.

Disgwylid cyhoeddi'r adroddiad ar 11 Chwefror 2009. Byddai AGIC am gyhoeddi cyddatganiad i'r wasg ac nid oedd yn disgwyl cynnal cynhadledd i'r wasg. Byddai cyfarfod yn cael ei gynnal cyn cyhoeddi'r adroddiad, er mwyn cymeradwyo'r trefniadau ymarferol.

Dyddiad y cyfarfod nesaf

27 Chwefror 2009.